

Bosna i Hercegovina
Federacija Bosne i Hercegovine
Bosansko-podrinjski kanton Goražde
MINISTARSTVO ZA PRIVREDU



PROGRAM
utroška sredstava

Ministarstva za privredu Bosansko-podrinjskog kantona Goražde
sa ekonomskog koda 614500 POD 003
„Subvencije za podsticaj razvoja, poduzetništva i obrta“

Goražde, novembar 2021.godine

Na osnovu člana 46. Zakona o izvršenju Budžeta Bosansko-podrinjskog kantona Goražde za 2021. godinu (“Službene novine Bosansko-podrinjskog kantona Goražde”, broj: 2/21), a u skladu sa odredbama Zakona o ministarstvima i drugim tijelima Kantonalne uprave Bosansko – podrinjskog kantona Goražde (“Službene novine Bosansko-podrinjskog kantona Goražde“, br.9/13 i 13/13), te u skladu sa Strategijom razvoja Bosansko-podrinjskog kantona Goražde za period 2020-2027.godine (“Službene novine Bosansko-podrinjskog kantona Goražde“, br.4/21), Ministarstvo za privredu Bosansko-podrinjskog kantona Goražde, **utvrđuje:**

P R O G R A M

utroška sredstava Ministarstva za privredu Bosansko-podrinjskog kantona Goražde sa ekonomskog koda 614500 POD 003 „Subvencije za podsticaj razvoja, poduzetništva i obrta“

1. NAZIV PROGRAMA

Naziv Programa je ” Program podrške razvoju poduzetništva i obrta za 2021. godinu”, sa ekonomskog koda 614500 POD 003 - „Subvencije za podsticaj razvoja, poduzetništva i obrta“ .

PODACI O PROGRAMU

Period realizacije Programa:	01.01.-31.12.2021.godine
Budžetska pozicija:	Subvencije za podsticaj razvoja, poduzetništva i obrta
Ekonomski kod:	614500 POD 003
Ukupna vrijednost Programa:	150.000,00 KM
Odgovorna osoba:	Haris Salković
Pozicija odgovorne osobe:	Ministar
Kontakt osoba za Program:	Almas Pita
Kontakt telefon:	038-224-264
Kontakt e-mail:	mpbk-privredaipoduzetnistvo@hotmail.com

SAGLASNOST NA PROGRAM

Saglasnost na ovaj Program, u skladu sa članom 46. Zakona o izvršenju budžeta Bosansko-podrinjskog kantona Goražde za 2021. godinu (“Službene novine Bosansko-podrinjskog kantona Goražde”, broj: 2/21), je dala Vlada Bosansko-podrinjskog kantona Goražde Odlukom broj: 03-11-2108/21 od 26.11.2021.godine.

2. SVRHA I OPIS PROGRAMA

2.1 Svrha Programa

Na osnovu Zakona o ministarstvima i drugim tijelima kantonalne uprave Bosansko-podrinjskog kantona Goražde (“Službene novine Bosansko – podrinjskog kantona Goražde” broj: 9/13 i 13/13), nadležnosti Ministarstva za privredu Bosansko-podrinjskog kantona Goražde su predlaganje i provođenje politike u oblasti industrije, poduzimanje mjera za unaprjeđenje proizvodnje, upravljanje prirodnim bogatstvima, razvoj poljoprivrede, upravljanje poljoprivrednim zemljištem, uzgoj, zaštita i unaprjeđenje šuma, šumske komunikacije i eksploatacija šuma, industrijske vode, vodoprivredne aktivnosti, korištenje voda u energetske i rekreacijske svrhe, upotreba i zaštita voda, ulaganja u privredna preduzeća, promet roba i usluga, učešće u kreiranju politike uvoza i izvoza, kontrola cijena proizvoda i usluga, zaključivanje ekonomskih sporazuma, kreiranje i implementacija politike kantonalnog turizma, razvoj turističkih resursa, razvoj rekreativnih, rehabilitacijskih i drugih centara, promocija turizma, ugostiteljstvo, poduzetništvo, provođenje politike razvoja komunikacija i transportne infrastrukture, razvoj javnog prometa, izgradnja, obnova i održavanje saobraćajnica od značaja za kanton, modernizacija cestovnog prometa i osiguranje komunikacijskih veza na području Bosansko-podrinjskog kantona Goražde.

“Program podrške razvoju poduzetništva i obrta za 2021.godinu” usklađen je sa Zakonom o izvršenju Budžeta Bosansko-podrinjskog kantona Goražde za 2021. godinu („Službene novine Bosansko-podrinjskog kantona Goražde“, broj: 2/21).

2.2 Opis Programa

Program utroška je provedbeni akt Ministarstva za privredu Bosansko-podrinjskog kantona Goražde koji osigurava da se planirana sredstva Budžeta Bosansko-podrinjskog kantona Goražde koriste na transparentan, specifičan i mjerljiv način u vremenski određenom periodu sa namjerom/svrhom da se kroz podsticaj obrtnicima podstiče zapošljavanje, rast i razvoj obrtničke/poduzetničke djelatnosti, te omogući poboljšanje ukupnog životnog standarda u Bosansko-podrinjskom kantonu Goražde.

Program će obezbijediti podsticaje za sufinansiranje projekata obrtnika/poduzetnika koji su ranije registrovani u Bosansko-podrinjskom kantonu Goražde. Zahtjevi aplicirani u formi projekata podnose se u skladu sa procedurama predviđenim Programom i na propisanim obrascima u aplikacionoj formi za projekte.

Program utroška sredstava sa ekonomskog koda 614500 – Subvencije za podsticaj razvoja, poduzetništva i obrta Ministarstva za privredu Bosansko-podrinjskog kantona Goražde za 2021. godinu (u daljem tekstu Program), definiše bitne elemente za dobijanje saglasnosti za Program od strane Vlade Bosansko-podrinjskog kantona Goražde, kao što su opći i posebni ciljevi Programa, kriteriji za raspodjelu sredstava, potrebna sredstva, korisnici sredstava, procjena rezultata, te procjena nepredviđenih rashoda i izdataka.

3. OPĆI I POSEBNI CILJEVI PROGRAMA

3.1. Opći (osnovni) cilj Programa

Opći (osnovni) cilj Programa jeste sufinansiranje projekata i pružanje pomoći za unaprjeđenje i očuvanje postojećeg obrta, sufinansiranje niskoakumulativnih djelatnosti i starih zanata, kao i sufinansiranje srodnih djelatnosti obrtu (trgovina i ugostiteljstvo) sa ciljem očuvanja djelatnosti i poboljšanja uslova poslovanja.

3.2. Poseban (specifičan) cilj Programa

U skladu sa općim ciljem, Programom se definiše sljedeći poseban (specifični) cilj:

- 1) Pružanje pomoći za unaprjeđenje i očuvanje postojećeg obrta, sufinansiranje niskoakumulativnih djelatnosti i starih zanata, kao i sufinansiranje srodnih djelatnosti obrtu (trgovina, ugostiteljstvo) sa ciljem očuvanja djelatnosti i poboljšanja uslova poslovanja, te poboljšanja ukupnog životnog standarda u Bosansko-podrinjskom kantonu Goražde.

3.2.1. Pružanje pomoći za unaprjeđenje i očuvanje postojećeg obrta, sufinansiranje niskoakumulativnih djelatnosti i starih zanata, kao i sufinansiranje srodnih djelatnosti obrtu (trgovina, ugostiteljstvo) sa ciljem očuvanja djelatnosti i poboljšanja uslova poslovanja, te poboljšanja ukupnog životnog standarda u Bosansko-podrinjskom kantonu Goražde

U okviru ovog posebnog cilja obezbijedit će se podrška obrtnicima, starim zanatima i obrtnicima u niskoakumulativnim djelatnostima, kao i poslovnim subjektima registrovanim za trgovinu i ugostiteljstvo u cilju očuvanja i unaprjeđenja postojećeg obrta i srodnih djelatnosti obrtu.

Podrška će se prioritetno pružiti u vidu sufinansiranja i finansiranja nabavke stalnih sredstava, mašina, uređaja i ostale opreme, nabavke sirovina, repromaterijala i rezervnih djelova, isplatu plaća i doprinosa, rekonstrukcije i investicionog ulaganja u objekte u cilju očuvanja djelatnosti i poboljšanja uslova poslovanja, kao i ulaganja u aktivnosti koje se odnose na pripremu za izvoz vlastitih proizvoda.

Na ovaj poseban cilj mogu aplicirati registrovani privredni subjekti za obrt, kao i privredni subjekti registrovani za srodne djelatnosti obrtu (trgovina, ugostiteljstvo) sa ciljem očuvanja djelatnosti i poboljšanja uslova poslovanja.

Na ovaj poseban cilj aplicira se isključivo putem aplikacione forme za projekte.

Aplicirati se može samo na ovaj poseban cilj predviđen Programom, a pravo apliciranja nemaju privredni subjekti koji su registrovani kao privredna društva, kao i privredni subjekti koji su registrovani za poljoprivrednu djelatnost (oni apliciraju na posebne programe u okviru resornog ministarstva).

4. POTREBNA SREDSTVA ZA PROVOĐENJE PROGRAMA

4.1. Visina sredstava za provođenje Programa

Potrebna sredstva za provođenje Programa planirana su Budžetom Ministarstva za privredu Bosansko-podrinjskog kantona Goražde za 2021.godinu („Službene novine Bosansko-podrinjskog kantona Goražde“, broj: 2/21), na ekonomskom kodu 614500 POD 003 – Subvencije za podsticaj razvoja, poduzetništva i obrta, u ukupnom iznosu od 150.000,00 KM.

4.2. Maksimalan budžet po posebnom (specifičnom) cilju Programa

Programom se utvrđuje visina, odnosno maksimalni iznos sredstava za ovaj poseban cilj Programa. Maksimalna visina sredstava za ovaj poseban (specifičan) cilj predstavlja jednu finansijsku komponentu Programa.

Za ovaj poseban cilj definisan je sljedeći maksimalni budžet:

- 1) Pružanje pomoći za unaprjeđenje i očuvanje postojećeg obrta, sufinansiranje niskoakumulativnih djelatnosti i starih zanata, kao i sufinansiranje srodnih djelatnosti obrtu (trgovina, ugostiteljstvo) sa ciljem očuvanja djelatnosti i poboljšanja uslova poslovanja, te poboljšanja ukupnog životnog standarda u Bosansko-podrinjskom kantonu Goražde. **150.000,00 KM**

5. KRITERIJI ZA RASPODJELU SREDSTAVA

5.1. Način raspodjele sredstava

Raspodjela sredstava vrši se dodjelom državne pomoći za svrhe predviđene poglavljem 3. Programa - Opći i posebni ciljevi. Državna pomoć može se dodijeliti samo jednom, a u skladu sa procedurama predviđenim Programom.

Raspodjela sredstava vršiće se na osnovu odobrenih projekata za sredstvima u skladu sa posebnim ciljem Programa. Konačnu saglasnost na spisak korisnika sredstava za dodjelu državne pomoći iz ovog Programa daje Vlada Bosansko-podrinjskog kantona Goražde.

Sredstva iz ovog Programa dodjeljivat će se u formi projektnog finansiranja (plaćanje unaprijed) i u formi subvencioniranja troškova (naknadno plaćanje).

5.2. Kriteriji za raspodjelu

Sredstva iz budžeta će se dodjeljivati korisnicima srazmjerno njihovom doprinosu ostvarivanja općeg i posebnog cilja i očekivanih rezultata Programa. Za ocjenjivanje doprinosa ostvarivanja cilja Programa primjenjivat će se dva eliminatorna kriterija i jedan kriterij za rangiranje aplikacija.

Eliminatorni kriteriji su:

1. Ispunjavanje općih uslova za učestvovanje u Programu.
2. Ispunjavanje posebnih uslova za učestvovanje u Programu.

Kriterij po osnovu kojeg će se rangirati aplikacije je rezultat procesa apliciranja, selekcije i evaluacije projekata, a rangiranje će se vršiti u skladu sa skalom za evaluaciju (tačka.5.6.7.- skala za evaluaciju).

5.3. Opći uslovi za učestvovanje u Programu

U implementaciji Programa primjenjivaće se restriktivne procedure koje omogućavaju ravnopravno učestvovanje u Programu svim licima koja spadaju u kategorije navedene pod a. i koje imaju:

- a. Rješenje o registraciji koje je izdao nadležni općinski/gradski organ (obrt, trgovinska i ugostiteljska djelatnost) i da im je prebivalište (registracija) na prostoru Bosansko-podrinjskog kantona Goražde.

Lica koja spadaju u kategorije navedene pod a. iz prethodnog stava obavezna su ispunjavati sljedeće opće uslove za učestvovanje u Programu:

1. Da imaju registraciju na prostoru Bosansko-podrinjskog kantona Goražde koje je izdao nadležni općinski/gradski organ.
2. Da imaju ugovor o otvorenom bankovnom računu i uvjerenje banke da isti nije u blokadi.
3. ID broj aplikanta (identifikacioni broj aplikanta).
4. Da u momentu podnošenja aplikacije imaju jednog ili više stalno zaposlenih radnika na neodređeno vrijeme.
5. Da nije otpuštao radnike u periodu od 01.01.2021. - do momenta podnošenja aplikacije (osim radnika kojima je u prethodno navedenom periodu istekao ugovor i radnika kojima je na neki drugi način dobrovoljno prestao radni odnos, ukoliko za to dostavi dokaz prilikom apliciranja)
6. Da nemaju neizmirenih obaveza za poreze i doprinose, osim obaveza koje su obuhvaćene ugovorom o reprogramiranju duga.

5.4. Posebni uslovi za učestvovanje u Programu

U implementaciji Programa, pored općih, primjenjivaće se i posebni uslovi za učestvovanje u Programu. Posebni uslovi koji se primjenjuju za aplikante u okviru ovog posebnog cilja su:

1. Da spadaju u a. kategoriju lica kojima je općim uslovima omogućeno učestvovanje u Programu,
2. Da su registrovani za obrt, trgovinsku i ugostiteljsku djelatnost koje je izdao nadležni općinski/gradski organ i da im je prebivalište (registracija) na prostoru Bosansko-podrinjskog kantona Goražde,
3. Na ovaj poseban cilj ne mogu aplicirati privredna društva, kao i privredni subjekti registrovani za poljoprivrednu djelatnost (oni apliciraju na posebne programe u okviru resornog ministarstva),
4. Da je obezbjedio vlastito učešće od minimalno 20% ukoliko je traženi iznos državne pomoći veći od 2.000,00 KM,
5. Da su opravdali namjenski utrošak dodijeljene državne pomoći koja im je odobrena od strane Ministarstva za privredu Bosansko-podrinjskog kantona Goražde u periodu od protekle tri godine,
6. U okviru ovog posebnog cilja aplicira se isključivo putem aplikacione forme za projekte,

5.5. Kandidovanje prijedloga projekata

Prijedlozi projekata za sredstvima dostavljaju se nakon objavljivanja javnog poziva, koji se raspisuje u skladu sa procedurama predviđenim Programom.

Aplicira se na obrascu koje je propisalo Ministarstvo za privredu Bosansko-podrinjskog kantona Goražde, u aplikacionoj formi za dostavljanje prijedloga projekata.

Prijedlozi projekata se dostavljaju za apliciranje na sredstva u okviru ovog posebnog cilja, po objavljivanju javnog poziva u skladu sa rokovima koji su definisani javnim pozivom.

Javni poziv će se raspisati za sljedeći poseban cilj Programa:

- 1) Pružanje pomoći za unaprjeđenje i očuvanje postojećeg obrta, sufinansiranje niskoakumulativnih djelatnosti i starih zanata, kao i sufinansiranje srodnih djelatnosti obrtu (trgovina, ugostiteljstvo) sa ciljem očuvanja djelatnosti i poboljšanja uslova poslovanja, te poboljšanja ukupnog životnog standarda u Bosansko-podrinjskom kantonu Goražde

Pravilno popunjavanje propisane forme omogućava da se svi aspekti prijedloga projekata za sredstvima objektivno selektiraju i procjene i isti **ne mogu biti pisani rukom jer će biti automatski odbijeni**.

Svi prijedlozi projekata procjenjuju se u skladu sa procedurama apliciranja, selekcije, evaluacije i rangiranja.

6.6. Procedure apliciranja, selekcije i evaluacije projekata za sredstvima

5.6.1. Aplikanti

Lica koja ispunjavaju opće uslove za učestvovanje u Programu i koja u formi propisanoj od strane Ministarstva za privredu Bosansko-podrinjskog kantona Goražde dostave prijedlog projekta za sredstvima imaju status aplikanta. Aplikant može odabrati najpovoljniji način apliciranja na sredstva.

Javni poziv se raspisuje po dobivanju saglasnosti na Program od strane Vlade Bosansko-podrinjskog kantona Goražde.

Javni poziv sadrži: Predmet javnog poziva, Naziv posebnog cilja Programa, kriteriji i korisnici sredstava, Pravo učešća, Sadržaj prijave za učešće na javni poziv za dodjelu finansijskih sredstava, Kriteriji za ocjenu prijave i izbor korisnika, Način preuzimanja potrebne dokumentacije, Način podnošenja prijave i Ostale odredbe.

Javni poziv se objavljuje na internet stranici Vlade Bosansko-podrinjskog kantona Goražde i u jednom ili više elektronskih medija.

5.6.2. Kandidovanje prijedloga projekata

Aplikant može kandidovati prijedlog projekta u kojem je planirano sufinansiranje i finansiranje troškova projekta iz sredstava Programa.

Aplikant može dostaviti samo jedan prijedlog projekta u okviru cilja predviđenim Programom.

Ministarstvo za privredu Bosansko-podrinjskog kantona Goražde može raspisati drugi javni poziv za dostavljanje prijedloga projekata ukoliko se u prvom javnom pozivu ne utroše sva planirana sredstva Programa, ukoliko dođe do povećanja budžeta, te ukoliko se sredstva planirana za finansiranje ne utroše u vremenskom planu koji je određen Programom.

5.6.3. Finansiranje prijedloga projekata

Iznos državne pomoći koji može biti zatražen za sufinansiranje i finansiranje projekta je do 6.000,00 KM.

Prijedlozi projekata čiji zatraženi iznos državne pomoći veći od 6.000,00 KM i projekti pisani rukom će u fazi administrativne provjere biti automatski odbijeni kao neprihvatljivi za sufinansiranje i finansiranje.

Ukoliko je traženi iznos državne pomoći veći od 2.000,00 KM aplikanti su dužni obezbjediti i vlastito učešće od minimalno 20% u odnosu na visinu tražene državne pomoći.

Ukoliko je traženi iznos državne pomoći manji od 2.000,00 KM aplikanti nisu dužni obezbjediti vlastito učešće, a dodjeljenu državnu pomoć po apliciranom projektu mogu iskoristiti za nabavku sirovina, repromaterijala i rezervnih djelova, isplatu plaća i doprinosa, kao i za ostale namjene predviđene Programom.

5.6.4. Otvaranje aplikacija i administrativna provjera

Otvaranje aplikacija i administrativna provjera prijedloga projekata za sredstvima se provodi odmah po zatvaranja Javnog poziva.

Administrativna provjera se provodi u cilju utvrđivanja da li lice koje je dostavilo aplikaciju ispunjava uslove za dobivanje statusa aplikanta u skladu sa odredbama ovog Programa. Administrativnu provjeru vrši komisija Ministarstva za privredu Bosansko-podrinjskog kantona Goražde. Administrativnom provjerom se utvrđuje:

- da li je aplikacija dostavljena u roku i na način predviđen Programom,
- da li su dostavljeni svi prilozi na način predviđen Programom,
- da li aplikant ispunjava opće uslove za učestvovanje u Programu,
- da li aplikant ispunjava posebne uslove za kandidovanje projekta za sredstvima,
- da li je aplikacija potpuna i ispravno popunjena u skladu sa propisanom formom,
- da li je aplikacija usklađena sa svrhom Programa, općim ciljem Programa, da li je zahtjevana podrška u skladu sa posebnim ciljem Programa i da li je predloženo finansiranje u skladu sa odredbama o finansiranju.

Ukoliko su ovi uslovi ispunjeni, komisija će aplikaciju evaluirati u skladu sa odredbama Programa. U suprotnom aplikacija će i bez evaluacije biti odbijena iz administrativnih razloga.

Aplikacije pisane rukom će biti automatski odbijene.

Nakon provedene administrativne procedure i evaluacije dostavljenih prijedloga projekata za sredstvima, Ministarstvo će obavijestiti sve aplikante koji nisu ispunili administrativnu provjeru i evaluaciju po Programu.

5.6.5. Evaluacija dostavljenih prijedloga projekata

Komisija provodi evaluaciju dostavljenih prijedloga projekata nakon provedene administrativne provjere. Za provođenje administrativne provjere, procesa selekcije, evaluacije i ocjenjivanja projekata Ministarstvo za privredu Bosansko-podrinjskog kantona Goražde formira komisiju.

Komisija sve dostavljene aplikacije razmatra i evaluira u periodu od maksimalno 30 dana od završetka administrativne provjere.

U evaluaciji projekata komisija primjenjuje pet grupa indikatora i to:

- Finansijski i operativni kapaciteti aplikanta
- Relevantnost
- Metodologija
- Održivost
- Budžet i troškovna efikasnost

5.6.6. Ocjenjivanje aplikacija

Evaluacija aplikacija se provodi na osnovu skale za evaluaciju. Evaluacijski kriteriji su podjeljeni u okviru grupa i podgrupa. Za svaku podgrupu komisija daje ocjenu između 1 i 5 prema slijedećim kategorijama procjena:

- 1 - veoma slabo;
- 2 - slabo;
- 3 - adekvatno;
- 4 - dobro;
- 5 - veoma dobro.

Svaka ocjena se množi sa koeficijentom koji je za svaki indikator predviđen u evaluacijskoj skali. Maksimalan broj bodova za projekat iznosi 100.

Projekti koji imaju manje od 70 bodova se odbacuju u prvom krugu selekcije. Ukoliko je ukupan rezultat u poglavlju **relevantnost** manji od 15 aplikacija se odbija, bez obzira na dobiven ukupan maksimalan broj bodova. Ukoliko je ukupan rezultat u poglavlju **budžet i troškovna efikasnost** manji od 15 aplikacija se odbija, bez obzira na dobiven ukupan maksimalan broj bodova.

Komisija će procjenjivati vrijednost indikatora. Prilikom određivanja vrijednosti indikatora komisija će se pridržavati prioriteta, finansijskih kriterija i načina rangiranja koji su propisani Programom. Svi članovi komisije dodjeljuju ocjene, a ukupan broj bodova se dobija kada se ocjene dobivene od svih članova komisije podjele sa brojem članova komisije.

5.6.7. Skala za evaluaciju

INDIKATOR	SKALA	
		Projekti
1. Finansijski i operativni kapaciteti aplikanta	10	_____
1.1. Procjenjeni nivo iskustva aplikanta u upravljanju projektom?	5	_____
1.2. Procjenjeni nivo tehničkog i stručnog znanje i iskustva neophodnog za implementaciju projekta?	5	_____
2. Relevantnost	25	_____
2.1. Koliko je aplikacija relevantna za svrhu, opći i posebne ciljeve Programa?	5	_____
2.2. Koliko je aplikacija relevantna za prioritetne aktivnosti u okviru ovog posebnog cilja?	5x2	_____
2.3. Koliko je aplikacija relevantna za očekivane rezultate Programa?	5x2	_____
3. Metodologija	10	_____
3.1. Da li su aktivnosti u prijedlogu projekta odgovarajuće i konzistentne sa ciljevima i očekivanim rezultatima projekta?	5	_____
3.2. Koliko je koherentan dizajn projekta, konkretna analiza problema, da li su predložene aktivnosti odgovarajuće za rješavanje prezentiranog problema, te da li su na zadovoljavajući način planirani raspoloživi resursi aplikanta, a koji mogu doprinijeti rješavanju problema?	5	_____
4. Održivost	25	_____
4.1. Da li će mjere podrške Programa značajnije doprinijeti rješavanju problema koji je naveden u prijedlogu projekta?	5	_____
4.2. Da li predložene aktivnosti mogu imati pozitivne multiplikativne efekte na razvoj poduzetništva i obrta u Bosansko-podrinjskom kantonu Goražde?	5x2	_____
4.3. Da li su očekivani rezultati aktivnosti za koje se traži finansiranje održivi u finansijskom smislu i da li će se ostvarivati i nakon prestanka finansiranja iz Programa, u periodu od minimalno tri godine?	5x2	_____
5. Budžet i troškovna efikasnost	30	_____
5.1. Da li je odnos između planiranih troškova i očekivanih rezultata zadovoljavajući?	5x2	_____
5.2. Da li je visina predloženih troškova adekvatna za implementaciju planiranih aktivnosti?	5x2	_____
5.3. Da li su predloženi troškovi aktivnosti obrazloženi na način da dokazuju da će sredstva Programa biti iskorištena na efikasan i ekonomičan način?	5x2	_____
MAKSIMALAN BROJ BODOVA	100	_____

5.6.8. Procedure odobravanja prijedloga projekata

Projekte koji su u procesu evaluacije dobili više od 70 bodova, komisija rangira po broju osvojenih bodova.

U procesu odobravanja, komisija može uvidom na terenu provjeriti stanje u pogledu usklađenosti stvarnog stanja sa stanjem navedenim u prijedlogu projekta.

Nakon provedenog rangiranja odobravaju se svi najbolje rangirani projekti do visine raspoloživih sredstava koja su Programom definisana za svaki poseban cilj. Svi najbolje rangirani projekti za koje postoje raspoloživa sredstva imaju status odobrenih projekata.

Prijedlozi projekata koji imaju više od 70 bodova, ali za čije sufinansiranje i finansiranje nema raspoloživih sredstava, stavljaju se na listu čekanja u slučaju obezbjeđenja dodatnih sredstava za Program ili donošenja odluke o preraspodjeli sredstava u skladu sa odredbama Programa. U suprotnom prijedlog projekta se odbija.

Nakon provedenog rangiranja, komisija predlaže odobravanje prijedloga projekta u punom ili umanjenom iznosu u zavisnosti od rezultata procesa evaluacije.

Sve odobrene projekte Ministarstvo za privredu Bosansko-podrinjskog kantona Goražde predlaže Vladi Bosansko-podrinjskog kantona Goražde da donese odluku o odobravanju prijedloga projekata koji će se sufinansirati i finansirati sredstvima iz budžeta Ministarstva za privredu Bosansko-podrinjskog kantona Goražde–ekonomski kod 614500 POD 003–Subvencije za podsticaj razvoja, poduzetništva i obrta.

Ukoliko se odlukom Vlade Bosansko-podrinjskog kantona Goražde o davanju saglasnosti na spisak korisnika odobrava iznos državne pomoći veći od 10.000 KM, prije potpisivanja ugovora, nacrt ugovora dostavlja se Kantonalnom pravobranioocu na mišljenje.

U slučaju da je planirano sufinansiranje projekta iz Programa veće od 6.000 KM i manje od 50.000 KM, uz prednacrt ugovora podnosi se i prijedlog zaključka Vlade Bosansko-podrinjskog kantona Goražde o davanju saglasnosti Ministru za privredu Bosansko-podrinjskog kantona Goražde za potpisivanje ugovora.

Nakon prihvatanja prijedloga odluke od strane Vlade Bosansko-podrinjskog kantona Goražde i pribavljenog mišljenja Kantonalnog pravobranilaštva na nacrt ugovora, pristupa se potpisivanju ugovora za sufinansiranje i finansiranje projekata o čemu se aplikanti obavještavaju.

Ugovorom se definiše način implementacije projekta, vrijeme implementacije, obaveze korisnika sredstava i Ministarstva za privredu Bosansko-podrinjskog kantona Goražde i način obezbjeđenja instrumenata za namjenski utrošak dodjeljene državne pomoći.

Ministarstvo za privredu Bosansko-podrinjskog kantona Goražde predlaže Vladi Bosansko-podrinjskog kantona Goražde da u skladu sa Zakonom o izvršenju Budžeta, donese odluku o odobravanju sredstava iz budžeta Ministarstva za privredu Bosansko-podrinjskog kantona Goražde – ekonomski kod 614 500 POD 003 – Subvencije za podsticaj razvoja, poduzetništva i obrta u skladu sa dostavljenim prijedlogom Odluke.

Nakon prihvatanja prijedloga odluke o odobravanju zahtjeva za isplatom sredstava od strane Vlade Bosansko-podrinjskog kantona Goražde, pristupa se potpisivanju ugovora sa korisnicima sredstava i zahtjev za plaćanje se dostavlja Ministarstvu za finansije Bosansko-podrinjskog kantona Goražde.

Podnosioci prijave čija imena nisu objavljena u Odluci o o odobravanju prijedloga projekata koji će se sufinansirati i finansirati po “Programu podrške razvoju poduzetništva i obrta za 2021.godinu“, mogu uložiti prigovor Ministarstvu za privredu Bosansko-podrinjskog

kantona Goražde u roku od 7 (sedam) dana od dana objavljivanja Odluke na oglasnoj ploči Bosansko-podrinjskog kantona Goražde i web stranici www.mp.bpkg.gov.ba, radi provjere činjenica i objektivnosti ocjene prijava.

Konačnu odluku o prijedlogu rang liste za dodjelu državne pomoći donosi ministar za privredu Bosansko-podrinjskog kantona Goražde, a o dodjeli državne pomoći Vlada Bosansko-podrinjskog kantona Goražde.

6. KORISNICI SREDSTAVA

Korisnici sredstava su pravni subjekti koji ispunjavaju opće i posebne uslove Programa i koji su uspješno završili proces apliciranja, selekcije i evaluacije i koji su uspješno rangirani za korištenje sredstava iz ovog Programa. Ministarstvo za privredu Bosansko-podrinjskog kantona Goražde vodi registar korisnika u kojem se nalaze svi relevantni podaci o datoj državnoj pomoći i namjenskom utrošku u okviru ovog Programa za period od pet godina od godine dobijanja državne pomoći.

6.1. Prioritetne aktivnosti

Prioritetne aktivnosti i mjere za učestvovanje u Programu u okviru ovog posebnog cilja su:

- unaprjeđenje i očuvanje postojećeg obrta, starih zanata, niskoakumulativnih djelatnosti i djelatnosti srodnih obrtu (trgovina, ugostiteljstvo) nabavka stalnih sredstava, mašina, uređaja i ostale opreme, nabavku sirovina, repromaterijala i rezervnih djelova, upošljavanje novih radnika, isplata plaća i doprinosa, rekonstrukcija i investiciono ulaganje u objekte, kao i ostala ulaganja u cilju pripreme za izvoz svojih proizvoda.

Realizacijom prioritetnih aktivnosti doprinosi se unaprjeđenju i očuvanju djelatnosti, poboljšanju uslova poslovanja i upošljavanju novih radnika u privrednim subjektima kojima je državna pomoć dodjeljena.

6.2. Finansijski kriteriji

Finansijski kriteriji se primjenju za ocjenu budžeta i troškovne efikasnosti predloženih aktivnosti.

Za ocjenjivanje odnosa planiranih troškova i očekivanih rezultata te adekvatnosti, efikasnosti i ekonomičnosti, primjenjivat će se sljedeći finansijski kriteriji:

1. Za očuvanje postojećeg obrta, starih zanata, obrta u niskoakumulativnim djelatnostima, kao i privrednih subjekata registrovanih u drugim djelatnostima (trgovina, ugostiteljstvo), u cilju očuvanja postojeće djelatnosti i prevazilaženja poteškoća u radu, koje se odnosi na za nabavku sirovina, repromaterijala i rezervnih djelova, isplatu plaća i doprinosa, kao i za ostale namjene predviđene Programom, u cilju očuvanja djelatnosti i poboljšanja uslova poslovanja, primjenjivat će se finansijski kriterij od maksimalno 2.000,00 KM državne pomoći po apliciranom projektu i za isti nije potrebno vlastito učešće.

2. Za unaprjeđenje postojećeg obrta starih zanata i niskoakumulativnih djelatnosti, kao i privrednih subjekata registrovanih u drugim djelatnostima (trgovina, ugostiteljstvo) podrška će se prioritetno pružiti u vidu sufinansiranja i finansiranja nabavke stalnih sredstava, mašina, uređaja i ostale opreme, kao i ulaganja u aktivnosti koje se odnose na pripremu za izvoz vlastitih proizvoda, primjenjivat će se finansijski kriterij od maksimalno 6.000,00 KM državne pomoći po apliciranom projektu i za isti je potrebno vlastito učešće od minimalno 20% u odnosu na visinu tražene državne pomoći.

6.3. Način rangiranja

Prilikom ocjenjivanja finansijskih i operativnih kapaciteta prednost će se dati aplikantima koji redovno izmiruju obaveze prema porezima i doprinosima u odnosu na aplikante koji imaju reprogram duga, koji imaju veće vlastito učešće, koji su duži vremenski period aktivni na području kantona, koji imaju bolju organizacionu strukturu i koji su uspješno provodili slične projekte.

Prilikom ocjenjivanja relevantnosti projekta prednost će se davati projektima koji su predviđeni Programom, a komisija će voditi računa o raznolikosti i zastupljenosti proizvodnje proizvoda i usluga na području kantona koje su predmet apliciranih projekata.

Prednost će se dati aplikacijama koje imaju za cilj realizaciju prioritetnih aktivnosti i mjera predviđenih ovim Programom. Posebna pažnja će biti data aplikacijama koje doprinose ostvarivanju više prioritetnih aktivnosti i mjera predviđenih Programom.

Prednost u pružanju podrške će se dati projektima koji omogućavaju ostvarivanje većih rezultata koji su predviđeni ovim Programom.

Prilikom ocjenjivanja metodologije ocjenjivaće se metode i predloženi način realizacije aktivnosti. Aplikacije koje imaju bolje razrađenu metodologiju i koherentniji plan implementacije projekta će imati prednost pri rangiranju.

Prilikom ocjenjivanja održivosti projekta, prednost imaju aplikacije koje na sveobuhvatniji način rješavaju problem i omogućavaju ostvarivanje rezultata, koje provode aktivnosti koje su bolje povezane sa potrebama poduzetništva i obrta i koje mogu dugoročno osigurati nastavak aktivnosti i nakon završetka projekta.

Prikom ocjenjivanja budžeta i troškovne efikasnosti prednost će se dati aplikacijama koje bolje ispunjavaju finansijske kriterije Programa, koje su u budžetu navele i iskazale sve aktivnosti potrebne za realizaciju projekta.

Prikom ocjenjivanja i rangiranja potencijalnih korisnika prednost će se dati onim korisnicima koj su u prethodnim godinama koristili podsticajna sredstva u manjem obimu ili ih nisu nikako koristili.

7. POTREBAN BROJ RADNIKA ZA PROVOĐENJE PROGRAMA I MONITORING

a) Potreban broj radnika za provođenje Programa

Za provođenje Programa su nadležni zaposlenici Ministarstva za privredu Bosansko-podrinjskog kantona Goražde.

b) Monitoring implementacije i provođenja Programa

Monitoring se provodi sa ciljem utvrđivanja da li se implementacija podržanih aktivnosti provodi u skladu sa potpisanim ugovorima i u skladu sa odredbama ovog Programa. Korisnici sredstava su dužni nakon implementacije projekta dostaviti Ministarstvu za privredu Bosansko-podrinjskog kantona Goražde konačan izvještaj o realizovanom projektu sa pratećom

dokumentacijom (račun dobavljača sa isječkom iz fiskalne kase, dokaz o bezgotovinskom plaćanju računa dobavljača, dokaz o gotovinskom plaćanju- način podizanja gotovine sa računa, zaprimanje gotovog novca u blagajnu i ostalu blagajničku dokumentaciju) kojim se dokazuje plaćanje aktivnosti pri realizaciji projekta.

Nadzor realizacije Programa utroška sredstava sa ekonomskog koda 614 500 POD 003– Subvencije za podsticaj razvoja, poduzetništva i obrta vrši Ministarstvo za privredu Bosansko-podrinjskog kantona Goražde putem komisije koju imenuje ministar za privredu Bosansko-podrinjskog kantona Goražde.

Mjerenje rezultata i provedenih aktivnosti će se vršiti na osnovu periodičnog monitoringa implementacije projekta sačinjavanjem zapisnika uz koji će biti sva neophodna dokumentacija kojom se dokazuje implementacija namjenskog utroška dodijeljene državne pomoći.

U slučaju da korisnik državne pomoći nije u mogućnosti realizovati aplicirani projekat isti se obraća zahtjevom Ministarstvu za privredu Bosansko-podrinjskog kantona Goražde za promjenu namjene apliciranog projekta. Zahtjev razmatra komisija za nadzor i kontrolu namjenskog utroška dodijeljene državne pomoći i ista odobri/ne odobri promjene namjene apliciranog projekta o čemu sačinjava zapisnik. U slučaju prihvatanja promjene namjene apliciranog projekta Ministar za privredu Bosansko-podrinjskog kantona Goražde potpisuje aneks ugovora sa korisnikom državne pomoći.

Ukoliko rezultati monitoringa ukažu na značajni zaostatak u ispunjavanju ugovorenih obaveza, a korisnik se nije obratio zahtjevom za promjenu namjene apliciranog projekta i ukoliko su rokovi za implementaciju projekta istekli Ministarstvo predlaže Vladi Bosansko-podrinjskog kantona Goražde donošenje odluke o povratu dodjeljene državne pomoći.

Krajnji rok za realizaciju projekta i dostavljanje izvještaja o namjenskom utrošku dodjeljene državne pomoći korisnika je 3 (tri) mjeseca od doznačavanja državne pomoći.

8. PROCJENA REZULTATA

Aplikanti su dužni u prijedlogu projekta navesti specifične rezultate koji su direktno povezani sa očekivanim rezultatima ovog Programa i moraju biti mjerljivi i jasno vremenski određeni. Očekivani rezultati “Programa podrške razvoju poduzetništva i obrta za 2021. godinu” su:

- unaprjeđenje obrta i srodnih djelatnosti obrtu kroz povećanje obima poslovanja u obrtu i srodnim djelatnostima ulaganjem u nabavku stalnih sredstava, mašina, uređaja i ostale opreme, ulaganjem u objekte i otklanjanje uskih grla što će omogućiti stabilno poslovanje i upošljavanje novih radnika.
- prevazilaženje poteškoća u radu pri obavljanju obrta i srodnih djelatnosti (trgovina, ugostiteljstvo) ulaganjem u nabavku sirovina, repromaterijala i rezervnih djelova, isplata plaća i doprinosa, kao i za ostala ulaganja predviđena Programom što omogućava dugoročno stabilno poslovanje poduzetnika (trgovina, ugostiteljstvo) i obrtnika, starih zanata i obrtnika u niskoakumulativnim djelatnostima.

Sve aplikacije koje se podnose za finansiranje iz sredstava Programa će biti procjenjivane u odnosu na njihove očekivane rezultate. Očekivani rezultati prijedloga projekata za sredstvima se procjenjuju u odnosu na očekivane rezultate Programa.

Očekivani rezultati koji su predloženi u prijedlogu projekta će se koristiti za ocjenu kvalitete prijedloga projekta i njegovog doprinosa ostvarivanju ciljeva Programa, a takođe će biti kriterij za ocjenu namjenskog utroška sredstava i ispunjavanja ugovorenih obaveza po odobrenim sredstvima državne pomoći Ministarstva za privredu Bosansko-podrinjskog kantona Goražde.

Mjerenje rezultata i aktivnosti će se vršiti na osnovu rezultata monitoringa implementacije obilaskom korisnika na terenu i na osnovu pismenih izvještaja korisnika sredstava.

U cilju osiguranja procjene rezultata Programa odabrani korisnici koji su dobili podršku dužni su nakon utroška odobrenih sredstava dostaviti Ministarstvu za privredu konačan Izvještaj o provedenim aktivnostima koje su odobrene za finansiranje iz Programa, u roku predviđenim Programom. Forma i sadržaj Izvještaja o utrošku sredstava će biti objavljena na internet stranici Ministarstva za privredu Bosansko-podrinjskog kantona Goražde : www.mp.bpkg.gov.ba.

Implementacijom “Programa podrške razvoju poduzetništva i obrta za 2021.godinu” imat će za rezultat unaprjeđenje obrta i srodnih djelatnosti obrtu (trgovina, ugostiteljstvo), prevazit će se poteškoće u radu pri obavljanju obrta i srodnih djelatnosti i otkloniti uska grla što će za rezultat imati stabilno poslovanje, upošljavanje novih radnika i povećanje životnog standarda u Bosansko-podrinjskom kantonu Goražde.

9. PROCJENA NEPREDVIĐENIH RASHODA I RIZIKA

Aplikanti čiji su projekti sufinansirani dužni su planirati odgovarajuće mjere koje će poduzeti u slučaju pojave rizika koji mogu uticati na ostvarivanje ciljeva i rezultata koji su predviđeni u aktivnostima i mjerama za koje su dobili podršku iz ovog Programa.

Programom je predviđeno da ukoliko rezultati monitoringa ukažu na značajni zaostatak u ispunjavanju ugovorenih obaveza, a korisnik se nije obratio zahtjevom za promjenu namjene apliciranog projekta i ukoliko su rokovi za implementaciju projekta istekli Ministarstvo predlaže Vladi Bosansko-podrinjskog kantona Goražde donošenje odluke o povratu dodjeljenje državne pomoći, čime su nepredviđeni rashodi i rizici svedeni na minimum.

Kao sredstvo obezbjeđenja namjenskog utroška sredstava, korisnici su dužni resornom ministarstvu dostaviti mjenicu sa mjeničnim ovlaštenjem, čime će se izbjeći rizici u procesu implementacije projekta.

Broj: 04-11-2173/21

Goražde, 19.11.2021. godine

MINISTAR

Haris Salković